

Bosna i Hercegovina
Federacija Bosne i Hercegovine
FEDERALNO MINISTARSTVO
OKOLIŠA I TURIZMA

Bosnia and Herzegovina
Federation of Bosnia and Herzegovina
FBiH MINISTRY OF
ENVIRONMENT AND TOURISM

Broj: 06-18-4-452/26
Sarajevo, 22.5.2026. godine

FEDERACIJA BOSNE I HERCEGOVINE
PARLAMENT FEDERACIJE
DOM NARODA
n/r Aida Hadžić-Salkić, sekretarka
Sarajevo

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 29-05-2026			
Org. jed.	Broj	Priloga	Vrijednost
05/2	02	-	244/26

Predmet: Odgovor na prigovor
Veza: Vaš akt broj: 05/2-02-244/26 od 28.04.2026. godine

Poštovani,

U vezi prigovora i zahtjeva za poništenje ili izmjenu javnog poziva kojeg je uputio Ivan Odak, delegat u Domu naroda Parlamenta Federacije BiH, dostavljenog putem akta iz Kabineta sekretara Doma naroda Parlamenta Federacije BiH broj iz veze, dajemo sljedeći odgovor na prigovor, kako slijedi:

Povodom prigovora kojim se traži poništenje ili izmjena Javnog poziva za prikupljanje i odabir projekata za raspodjelu sredstava „Tekući transferi drugim nivoima vlasti i fondovima - Transfer za razvoj turizma u Federaciji BiH“ za 2026. godinu, uključivanje obrtnika kao prihvatljivih korisnika, te produženje rokova za prijavu, obavještavamo da je postupak praćenja provođenja projekata po predmetnom Javnom pozivu u toku, te da nadležne komisije koje su imenovane od strane Ministricе trenutno vrše pregled i utvrđivanje formalno-pravnih uslova aplikanata, kao i evaluaciju i selekciju prijavljenih projekata.

Javni poziv je raspisan u skladu sa Odlukom o usvajanju programa utroška sredstava tekućih transfera u okviru programa - Razvoj turizma i ugostiteljstva – sa ekonomskog koda 614100 - Tekući transferi drugim nivoima vlasti i fondovima - Transfer za razvoj turizma u Federaciji BiH utvrđen u razdjelu 61., glava 6101. Budžeta Federacije BiH za 2026. godinu Federalnom ministarstvu okoliša i turizma ("Službene novine Federacije BiH", broj: 6/26) i Odlukom o raspisivanju javnog poziva za prikupljanje i odabir projekata za raspodjelu sredstava broj: 06-18-4-264/26 od 03.04.2026. godine, od strane Ministarstva.

Navodi iz prigovora koji se odnose na isključivanje obrtnika koji obavljaju ugostiteljsku djelatnost u Federaciji BiH iz kruga prihvatljivih korisnika Javnog poziva predstavlja pitanje definisanih programa i korisnika sredstava utvrđenih Javnim poziva, te se isti ne mogu smatrati razlogom za poništenje već objavljenog Javnog

poziva i aktivnog postupka raspodjele sredstava „Tekući transferi drugim nivoima vlasti i fondovima - Transfer za razvoj turizma u Federaciji BiH“ za 2026. godinu.

Obrtnici nisu uključeni u ovaj konkretni javni poziv iz razloga što je isti usmjeren na projekte javne turističke infrastrukture, promocije destinacija i razvoja sadržaja od javnog interesa. Navedeno ne predstavlja isključenje obrtnika iz svih programa podrške Ministarstva, a posebno imajući u vidu da je Ministarstvo prethodnih godina kreiranjem određenih programa omogućilo da i obrtnici apliciraju za dodjelu sredstava.

Naglašavamo da navedeno ne predstavlja umanjenje značaja obrtnika u turističkom i ugostiteljskom sektoru, već je rezultat potrebe usklađenosti provođenja Javnog poziva u okviru postojećeg neharmoniziranog pravnog sistema u Federaciji BiH.

S obzirom da nije utvrđena povreda procedura niti nepravilnosti koji bi uticali na zakonitost provođenja Javnog poziva, ne postoje uslovi za njegovo poništenje niti za obustavljanje započetog postupka.

Prijedlozi i inicijative koje se odnose na uključivanje obrtnika te produženje rokova za prijavu mogu biti razmatrani prilikom kreiranja narednih programa i javnih poziva, u skladu sa zakonskim okvirom i raspoloživim budžetskim sredstvima.

Stoga će Ministarstvo u narednom periodu razmatrati mogućnosti uključivanja obrtnika kroz unapređenje kriterija i uspostavljanje jedinstvenijeg modela kategorizacije, evidencije i registracije ugostiteljske djelatnosti.

S poštovanjem,



Dostaviti:

- Naslovu,
- Delegat u Domu naroda Parlamenta Federacije BiH, Ivan Odak,
- a/a.